

欽定前漢書

卷四十一之五十

欽定四庫全書

卷一百一十五

前漢書卷四十一

漢

關

臺

令

史班固撰

唐正議大夫行秘書少監琅邪縣開國子顏師古注

樊鄴勝灌傳新周傳第十一

樊噲沛人也以屠狗為事

師古曰時人食狗亦與羊豕同故噲專屠以賣

後與高祖俱隱於芒碭山澤間陳勝初起蕭何曹參使

噲求迎高祖立為沛公

師古曰高祖時亡在外故求而迎之噲以舍人從攻胡陵方與

師古曰皆縣名方音房與音豫

還守豐擊泗水監豐

下破之

師古曰泗水郡名監謂御史監郡者也破之於豐縣下

復東定沛破泗守薛西

師古曰破郡守於薛縣之西○宋祁曰泗字下疑有水字

與司馬巨戰碭

東

師古曰秦將章邯之司馬也巨讀與夷同

卻敵斬首十五級賜爵國大夫

文穎曰即官大夫也爵第六級

常從沛公擊章邯軍濮陽攻城先

登斬首二十三級賜爵列大夫

文穎曰即公大夫也爵第七級

從攻陽城先登下戶牖

師古曰陽武縣之鄉

破李由軍斬首十六級

賜上聞爵

張晏曰得徑上聞也如清曰呂氏春秋曰魏文侯東勝齊於長城天子賞文侯以上聞晉灼曰名通於天子也

從攻圍都尉東郡守尉於成武

師古曰圍即陳

留圍縣○劉攽曰圍縣名有尉無都尉又郡都尉至景帝方置明此衍都字

卻敵斬首十四級捕虜十六人

師古曰生獲曰虜

賜爵五大夫從攻秦軍

出毫南

鄭氏曰毫成湯封邑今河南偃師湯亭是

河間守軍於杠里破之

師古曰杠音江擊破趙賁軍開封北

師古曰賁音奔以卻敵先登斬

侯一人首六十八級捕虜二十六人

師古曰既斬侯一人又更斬它首六十八

賜爵卿從攻破揚熊於曲遇

師古曰曲音丘羽反遇音顯攻

宛陵先登斬首八級捕虜四十四人賜爵封號賢臣君

張晏曰食祿比封君而無邑也臣瓚曰秦制列侯乃有封爵師古曰瓚說非也楚漢之際權設寵榮

假其位號或得邑地或空受爵此例多矣約以秦制於義不通從攻長社轅轅絕河津東攻秦軍尸鄉南攻秦軍於犇破南陽守鄼於陽

城東攻宛城先登西至鄼

師古曰南陽之縣也音直益反以卻敵斬首十四級捕虜四十人賜重封

張晏曰益祿也如渚曰正爵名也臣瓚曰

增封也師古曰諸家之說皆非也重封者加二號耳攻武關至霸上斬都尉一人首十級捕虜百四十六人降卒二千九百人項羽

在戲下欲攻沛公沛公從百餘騎因項伯面見項羽謝無有閉關事項羽既饗軍士中酒

張晏曰酒酣也師古曰飲酒之

中也不醉不醒故謂之中中音竹仲反亞父謀欲殺沛公令項莊拔劍舞坐中欲擊沛公項伯常屏蔽之時獨沛公與張良

得入坐樊噲居營外聞事急迺持盾入初入營營衛止噲

師古曰營衛謂營壘之守衛者噲直撞入立帳下

師古曰謂以盾撞擊人牆

晉丈項羽目之問為誰張良曰沛公參乘樊噲也項羽曰壯士賜之卮酒彘肩噲既飲酒拔劍切肉食之

項羽曰能復飲乎噲曰臣死且不辭豈特卮酒乎且沛公先入定咸陽暴師霸上以待大王

師古曰時項羽未為王故

高紀云以待將軍此言大王史追書耳大王今日至聽小人之言與沛公有隙臣恐天下解心疑大王也項羽默然沛公如

廁磨噲去既出沛公留車騎

師古曰沛公所乘之車及從者之騎獨騎馬噲等四人步從從山下走歸霸上軍而使張良謝

項羽羽亦因遂已

師古曰已止也無誅沛公之心是日微樊噲奔入營

宋祁曰諱讓項羽沛公幾殆無也諱責奔疑作轉

也殆危也諱責才笑反幾音鉅依反後數日項羽入屠咸陽立沛公為漢王漢王賜噲爵為列侯號臨武侯遷為郎中從入

漢中還定三秦別擊西丞白水北

服虔曰西丞縣名也晉灼曰白水今廣平魏縣也地理志無西丞似秦將名也師古曰二說並非也西謂隴西郡西縣也白水水名經西縣東

南流而過言擊西縣之丞於白水之北

擁輕車騎雍南破之從攻雍城先登

師古曰雍讀與郿同縣名師古曰後稷所封今武功故城是音怡

時攻城先登陷陣斬縣令丞各一人首十一級虜二十人還為郿中騎將從擊秦車騎壞東

師古曰郿地名也

遷為將軍攻趙賁下郿槐里柳中咸陽

師古曰柳中即細柳地也在長安西

灌廢邱最

李奇曰以水灌廢邱也張晏曰最功第一也晉灼曰京輔治華陰灌也

師古曰高紀言引水灌廢邱李說是也或者云漢王自彭城敗還始灌廢邱此時未也此說非矣彭城還更灌廢邱始平定之無廢邱此時已常灌矣

至櫟陽賜食邑杜之樊鄉

師古曰杜縣之鄉也今日樊川

從攻項籍屠煮聚

晉灼曰地理志無也清河有煮棗城功臣表有煮棗侯師古曰既云攻項也今日樊川

籍屠煮棗則其地當在大河之南非清河之城明矣但未詳其處耳○宋

陰郡宛胸有煮棗城擊破王武程處軍於外黃攻鄒魯瑕

師古曰即滎陽之廣武

薛項羽敗漢王於彭城盡復取魯梁地噲還

師古曰夏音工雅反

至滎陽益食平陰二千戶以將軍守廣武一歲

師古曰即滎陽之廣武

項羽引東從高祖擊項籍下陽夏

師古曰夏音工雅反

虜楚周將軍卒四千人

師古曰周殷

圍項籍陳大破之

師古曰於陳縣圍之

屠胡陵項籍死漢王即皇帝位以噲有功益食邑八百戶其秋燕王臧荼反噲從攻虜荼定燕地楚王韓信反噲從至陳取信定楚更賜爵列侯與剖

符世世勿絕食舞陽號為舞陽侯除前所食以將軍從攻反者韓王信於代自霍人以往至雲中與絳侯

等共定之益食千五百戶因擊陳豨與曼臣軍戰襄國破栢人先登降之定清河常山凡二十七縣殘

師古曰姓豨母名印也

東垣

張晏曰殘有所毀也臣瓚曰殘為多所殺傷也師古曰瓚說是

遷為左丞相破得荼母印尹潘軍於無終廣昌

師古曰姓荼母名印也

乾隆四年校刊

前漢書卷四十一列傳

二

別將胡人王黃軍代南因擊韓信軍參合軍所將卒斬韓信擊豨胡騎橫谷斬將軍趙既虜代丞相馮梁

守孫奮大將王黃將軍大將一人太僕解福等十人與諸將共定代鄉邑七十三後燕王盧綰反噲以相

國擊綰破其丞相抵薊南師古曰抵至也一說抵者其丞相之名也音丁禮反定燕縣十八鄉邑五十一益食千三百戶定食舞陽

五千四百戶從斬首百七十六級虜二百八十七人別破軍七下城五定郡六縣五十二得丞相一人將

軍十三人二千石以下至三百石十二人噲以呂后弟呂嬰為婦生子伉師古曰伉音抗又音剛故其比諸將最親

先黥布反時高帝嘗病師古曰黥布未反之前惡見人臥禁中詔戶者無得入羣臣羣臣絳灌等莫敢入十餘日噲

適排闥直入師古曰闥宮中小門也一日門屏也音土曷反大臣隨之上獨枕一宦者臥噲等見上流涕曰始陛下與臣等起豐

沛定天下何其壯也今天下已定又何憊也師古曰憊力極也音蒲拜反且陛下病甚大臣震恐不見臣等計事顧獨

與一宦者絕乎師古曰顧猶反也且陛下獨不見趙高之事乎師古曰謂始皇崩趙高矯為詔命殺扶蘇而立胡亥高帝笑而起其後盧綰

反高帝使噲以相國擊燕是時高帝病甚人有惡噲烹於呂氏師古曰惡謂毀譖言其罪惡也卽上一日宮車晏駕則噲

欲以兵盡誅戚氏趙王如意之屬高帝大怒迺使陳平載絳侯代將而卽軍中斬噲師古曰卽就也陳平畏呂后

執噲詣長安至則高帝已崩呂后釋噲師古曰釋解也解免其罪得復爵邑孝惠六年噲薨諡曰武侯子伉嗣而伉母

呂嬃亦為臨光侯高后時用事顯權師古曰顯與專同大臣盡畏之高后崩大臣誅呂嬃等因誅伉舞陽侯中絕

數月孝文帝立迺復封噲庶子市人爲侯復故邑薨諡曰荒侯子佗廣嗣六歲其舍人上書言荒侯市人

病不能爲人師古曰言無人道也令其夫人與其弟亂而生佗廣佗廣實非荒侯子下吏免平帝元始二年繼絕世

封噲玄孫之子章爲舞陽侯邑千戶

酈商高陽人也

師古曰酈音歷

陳勝起商聚少年得數千人沛公略地六月餘商以所將四千人屬沛公於岐從

攻長社先登賜爵封信成君從攻緱氏絕河津破秦軍雒陽東從下宛襲定十七縣別將攻旬關

師古曰漢中旬

水上之關也

西定漢中

師古曰先言取旬關定漢中然後云沛公爲漢王是則沛公從武關藍田而來商特別從西道平定漢中

沛公爲漢王賜商爵信成君

○劉奉世曰君當作侯高祖爲漢王絳灌諸將皆賜侯爵商因其故號封之也商先以從攻長社先登封信成君

以將軍爲隴西都尉別定北地郡破章邯別將

於烏氏枸邑泥陽

師古曰烏氏安定縣也枸邑今在邠州泥陽北地縣氏音支枸音苟

賜食邑武城六千戶從擊項籍軍與鍾離昧戰受梁

相國印

師古曰漢以梁相國印授之

益食四千戶從擊項羽二歲攻胡陵漢王卽帝位燕王臧荼反商以將軍從擊荼

戰龍脫

孟康曰地名也

先登陷陣破荼軍易下

師古曰今易縣

卻敵遷爲右丞相賜爵列侯與剖符世世勿絕食邑涿郡

五千戶別定上谷因攻代受趙相國印

師古曰初受梁相國印今又受趙相國印

與絳侯等定代郡鴈門得代丞相程縱守相

郭同

師古曰守相謂爲相而居守者

將軍以下至六百石十九人還以將軍將太上皇衛一歲十月以右丞相擊陳豨殘

東垣又從擊黥布攻其前垣

李奇曰前鋒堅蔽若垣墻也或曰軍前以大車自障若垣也師古曰二說皆非也謂攻其壁壘之前垣

陷兩陳得以破布軍更

封為曲周侯食邑五千一百戶除前所食凡別破軍三降定郡六縣七十三得丞相守相大將軍各一人

小將軍二人○宋祁曰越本景  
附本無二軍字二千石以下至六百石十九人商事孝惠帝呂后呂后崩商疾不治事

日商有疾病  
不能治官事其子寄字況與呂祿善及高后崩大臣欲誅諸呂呂祿為將軍軍於北軍太尉勃不得入北

軍於是迺使人劫商令其子寄給呂祿呂祿信之與出游而太尉勃迺得入據北軍遂以誅諸呂商是歲

薨諡曰景侯子寄嗣天下稱酈況賣友孝景時吳楚齊趙反上以寄為將軍圍趙城七月不能下欒布自

平齊來迺滅趙孝景中二年寄欲取平原君為夫人蘇林曰景帝王  
皇后母臧兒也景帝怒下吏寄免上迺封商它子堅

為繆侯師古曰繆  
所封邑名率商後傳至玄孫終根武帝時為太常坐巫蠱誅國除元始中賜高祖時功臣自酈商

以下子孫爵皆關內侯食邑凡百餘人

夏侯嬰沛人也為沛廐司御每逢使客還過泗上亭與高祖語未嘗不移日也嬰已而試補縣吏與高祖

相愛高祖戲而傷嬰人有告高祖高祖時為亭長重坐傷人如淳曰為吏  
傷人其罪重告故不傷嬰蘇林曰自告情  
故不傷嬰也嬰

證之移獄覆嬰坐高祖繫歲餘掠笞數百終脫高祖○劉攽曰告故不傷嬰者高祖抵言不曾傷嬰故嬰  
證其實然告故者反坐榜告者不服故移獄覆案嬰

以此坐案  
掠笞也高祖之初與徒屬欲攻沛也師古曰謂始亡在外未被樊噲召聘  
令後悔閉城城守也此即被樊噲召聘按帝紀未嘗兩至沛下文

義相屬非  
兩事甚明嬰時以縣令史為高祖使上降沛一日師古曰謂老父開  
城門迎高祖時也高祖為沛公賜爵七大夫以嬰為太

僕常奉車

師古曰爲沛公御車從攻胡陵嬰與蕭何降泗水監平

張晏曰胡陵平所止縣何嘗給之故與降

平以胡陵降賜爵五大夫

從擊秦軍碭東攻濟陽下戶牖破李由軍雍丘以兵車趣攻戰疾破之

師古曰趣讀曰促謂急速也

賜爵執帛從

擊章邯軍東阿濮陽下以兵車趣攻戰疾破之賜爵執圭從擊趙賁軍開封揚熊軍曲遇嬰從捕虜六十

八人降卒八百五十人得印一匱

師古曰時自相署置官之印

又擊秦軍雒陽東以兵車趣攻戰疾賜爵封轉爲滕令

鄧展曰今沛郡公丘縣○宋祁曰浙本封字上有重字

因奉車師古曰因此又每奉車從攻戰以至霸上

從攻定南陽戰於藍田芷陽

師古曰芷陽後爲霸陵縣至霸

上沛公爲漢王賜嬰爵列侯號昭平侯復爲太僕從入蜀漢還定三秦從擊項籍至彭城項羽大破漢軍

漢王不利馳去見孝惠魯元載之漢王急馬罷虜在後

師古曰罷讀曰疲

常躡兩兒棄之

服虔曰躡音撥音灼曰音足跋物之跋師古曰

服音

嬰常收載行面雍樹

服虔曰高祖欲斬之故嬰圍樹走面向樹也應劭曰古者立乘嬰恐小兒墮各置一而擁持之樹立也蘇林曰南方人謂抱小兒爲擁樹面者以面首

向臨之也師古曰面偕也雍抱持之言取兩兒令面背已而抱持之以馳故云面雍樹馳服音圍樹而走義尤疎越雍讀曰擁○劉奉世曰抱兩兒者未有能背面而能抱持者况復馳手蘇說是也漢王

怒欲斬嬰者十餘卒得脫而致孝惠魯元於豐漢王既至滎陽收散兵復振賜嬰食邑沂陽

師古曰沂音魚依反擊

項籍下邑追至陳卒定楚至魯益食茲氏

師古曰茲氏縣名地理志屬太原

漢王卽帝位燕王臧荼反嬰從擊荼明年從

至陳取楚王信更食汝陰剖符世世勿絕從擊代至武泉雲中益食千戶因從擊韓信軍胡騎晉陽旁大

破之追北至平城爲胡所圍七日不得通高帝使使厚遺閼氏冒頓乃開其圍一角高帝出歛馳嬰固徐

行勢皆持滿外鄉師古曰故示閑暇所以固士卒心而令敵不測也鄉讀曰嚮卒以得脫師古曰卒終也益食嬰細陽千戶師古曰益其邑使食之從擊

胡騎句注北大破之擊胡騎平城南三陷陳功爲多賜所奪邑五百戶孟康曰時有罪過奪邑者以賜之○劉奉世曰言賜所奪則嬰蓋以

過當奪邑今以功復賜之耳從擊陳豨黥布軍陷陳卻敵益千戶定食汝陰六千九百戶除前所食嬰自上初起沛常

爲太僕從竟高祖崩以太僕事惠帝惠帝及高后德嬰之脫孝惠曾元於下邑間也乃賜嬰北第一師古

曰北第者近北闕之第嬰最第一也故張衡西京賦云北闕甲第當道直啓曰近我以尊異之惠帝崩以太僕事高后高后崩代王之來嬰以

太僕與東牟侯入清宮廢少帝以天子法駕迎代王代邸與大臣共立文帝復爲太僕八歲薨諡曰文侯

傳至曾孫頗師古曰頗音普河反尙平陽公主坐與父御婢奸自殺國除初嬰爲滕令奉車故號滕公及曾孫頗尙

主主隨外家姓號孫公主故滕公子孫更爲孫氏

灌嬰睢陽販繒者也師古曰繒者帛之總名高祖爲沛公略地至雍已章邯殺項梁而沛公還軍於碭嬰以中涓從

擊破東郡尉於成武及秦軍於杠里疾鬪賜爵七大夫又從攻秦軍毫南開封曲遇戰疾力孟康曰攻戰速疾也師古

力疾急速也加彊力也賜爵執帛號宣陵君從攻陽武以西至雒陽破秦軍戶北北絕河津南破南陽守斷陽城東

遂定南陽郡西入武關戰於藍田疾力至霸上賜爵執圭號昌文君沛公爲漢王拜嬰爲郎中從入漢中

十月拜爲中謁者從還定三秦下櫟陽降塞王還圍章邯廢已未拔從東出臨晉關擊降殷王定其地擊

項羽將龍且魏相項化軍定陶南疾戰破之賜爵列侯號昌文侯食杜平鄉師古曰杜復以中謁者從

降下碭以北至彭城項羽擊破漢王漢王遁而西嬰從趙軍於雍丘王武魏公中徒反張晏曰故秦將從降為公今反

擊破之攻下外黃西收軍於滎陽楚騎來眾漢王迺擇軍中可為騎將者皆推故秦騎士重泉人李必驍

甲師古曰重泉縣名也地理志屬左馮翊習騎兵今為校尉可為騎將漢王欲拜之必甲曰臣故秦民恐軍不信臣臣願得

大王左右善騎者傳之如淳曰傳音附猶言隨從者嬰雖少然數力戰迺拜嬰為中大夫令李必驍甲為左右校尉將

郎中騎兵擊楚騎於滎陽東大破之受詔別擊楚軍後絕其饗道師古曰饗古餉字起陽武至襄邑擊項羽之將

項冠於魯下破之所將卒斬右司馬騎將各一人張晏曰主右方之馬左亦如之晉灼曰下所謂左右手

馬字上有司字不當去左字陽夏公注題云以注觀當有左字擊破柘公王武軍燕西師古曰柘縣名公者柘之令也王武其人所將卒

斬樓煩將五人李奇曰樓煩縣名其人善騎射故名射士為樓煩取其稱也師古曰解在項羽傳連尹一人蘇林曰楚官也擊王武別將桓嬰白馬下破

之所將卒斬都尉一人以騎度河南送漢王到雒陽從北迎相國韓信軍於邯鄲還至敖倉嬰遷為御史

大夫三年以列侯食邑杜平鄉劉奉世曰前已為列侯食杜平鄉矣疑駢出受詔將郎中騎兵東屬相國韓信擊破齊軍於歷

下所將卒虜車騎將軍華毋傷師古曰華音下化反及將吏四十六人降下臨淄得相田光追齊相田橫至嬴博師古

日二擊破其騎所將卒斬騎將一人生得騎將四人攻下嬴博破齊將軍田吸於千乘斬之東從韓信攻

縣名擊破其騎所將卒斬騎將一人生得騎將四人攻下嬴博破齊將軍田吸於千乘斬之東從韓信攻

龍且留公於假竇

師古曰留縣名公留守也攻龍且及留令於假竇

卒斬龍且

師古曰嬰所將之卒也其下亦同

生得右司馬連尹各一人樓煩

將十人身生得亞將周蘭

師古曰亞次也

齊地已定韓信自立為齊王使嬰別將擊楚將公杲於魯北破之轉南

破薛郡長

師古曰長亦如郡守也時每郡置長

身虜騎將入攻博陽前至下相以東南儻取慮徐

師古曰儻及取慮及徐三縣名也取音趨又音秋慮

音度淮盡降其城邑至廣陵

蘇林曰別將兵屯廣陵也師古曰此說非也謂從下相以東南盡降城邑乃至廣陵皆平定

項羽使項聲薛公郯公復定

淮北嬰度淮擊破項聲郯公下邳斬薛公下下邳壽春擊破楚騎平陽

師古曰此平陽在東郡

遂降彭城虜柱國項

佗

師古曰佗音徒何反

降留薛沛鄭蕭相

師古曰凡六縣也鄭音才何反

攻苦醢

師古曰二縣也

復得亞將與漢王會頡鄉從擊項籍軍陳

下破之所將卒斬樓煩將二人虜將八人賜益食邑二千五百戶項籍敗垓下去也嬰以御史大夫將軍

騎別追項籍至東城破之所將卒五人共斬項籍皆賜爵列侯降左右司馬各一人卒萬二千人盡得其

軍將吏下東城歷陽度江破吳郡長吳下

如淳曰雄長之長也師古曰此說非也吳郡長當時為吳郡長嬰破之於吳下

得吳守遂定吳豫章會

稽郡還定淮北凡五十二縣漢王即帝位賜益嬰邑三千戶以車騎將軍從擊燕王荼明年從至陳取楚

王信還剖符世世勿絕食潁陰二千五百戶從擊韓王信於代至馬邑別降樓煩以北六縣斬代左將破

胡騎將於武泉北復從擊信胡騎晉陽下所將卒斬胡白題將一人

師古曰胡名也

又受詔并將燕趙齊梁楚車

騎擊破胡騎於磬石

師古曰磬音千坐反

至平城為胡所困從擊陳豨別攻豨丞相侯飢軍曲逆下破之卒斬敵及

特將五人

師古曰卒謂所將之卒也特獨也各獨爲將

降曲逆盧奴上曲陽安國安平攻下東垣黥布反以車騎將軍先出攻

布別將於相破之斬亞將樓煩將三人又進擊破布上柱國及大司馬軍又進破布別將肥銖嬰身生得

左司馬一人所將卒斬其小將十人追北至淮上益食邑二千五百戶布已破高帝歸定令嬰食潁陰五

千戶除前所食邑凡從所得二千石二人別破軍十六降城四十六定國一郡二縣五十二得將軍二人

柱國相各一人二千石十人嬰自破布歸高帝崩以列侯事惠帝及呂后呂后崩呂祿等欲爲亂齊哀王

聞之舉兵西呂祿等以嬰爲大將軍往擊之嬰至滎陽乃與絳侯等謀因屯兵滎陽風齊王以誅呂氏事

師古曰風讀曰颶

齊兵止不前絳侯等既誅諸呂齊王罷兵歸嬰自滎陽還與絳侯陳平共立文帝於是益封嬰

三千戶賜金千斤爲太尉三歲絳侯勃免相嬰爲丞相罷太尉官是歲匈奴大入北地上令丞相嬰將騎

八萬五千擊匈奴匈奴去濟北王反詔罷嬰兵後歲餘以丞相薨諡曰懿侯傳至孫彊有罪絕武帝復封

嬰孫賢爲臨汝侯奉嬰後後有罪國除

傳寬以魏五大夫騎將從爲舍人起橫陽從攻安陽杠里趙賁軍於開封及擊楊熊曲遇陽武斬首二

級賜爵卿從至霸上沛公爲漢王賜寬封號共德君

師古曰共讀曰恭

從入漢中爲右騎將定三秦賜食邑雕陰

孟康曰縣名屬上郡

從擊項籍待懷

服虔曰待高帝於懷懷縣名也師古曰地理志屬河內卽今懷州

賜爵通德侯從擊項冠周蘭龍且所將卒斬

騎將一人敖下師古曰敖地名敖倉蓋取此名也左氏傳曰敖郛之間益食邑屬淮陰張晏曰韓信也信時為相國云淮陰者終言之也擊破齊歷下軍擊

田解屬相國參殘博師古曰參曹參也博大山縣也益食邑因定齊地剖符世世不絕封陽陵侯二千六百戶除前所食

為齊右丞相備齊張晏曰時田橫未降故設屯備五歲為齊相國四月宋祁曰景德本作四月別本作一字誤也擊陳豨屬太尉勃以相國

代丞相噲擊豨一月徙為代相國將屯如淳曰既為相國有警則將卒而屯守也師古曰此說非也時代國常有屯兵以備邊寬為代相兼將此屯兵也二歲為

丞相將屯孝惠五年薨諡曰景侯傳至曾孫偃謀反誅國除

新欽以中涓從起宛胸師古曰欽音翕宛音於元反胸音其于反攻濟陽破李由軍擊秦軍開封東斬騎千人將一人如淳曰騎將率

號為千人漢儀注邊郡置部都尉千人司馬候也首五十七級捕虜七十三人賜爵封臨平君又戰藍田北斬車司馬二人張晏曰主

車騎長一人張晏曰騎之長首二十八級捕虜五十七人至霸上沛公為漢王賜欽爵建武侯遷騎都尉從定三

秦別西擊章平軍於隴西破之定隴西六縣所將卒斬車司馬候各四人騎長十二人從東擊楚至彭城

漢軍敗還保雍丘擊反者王武等略梁地別西擊邢說軍留南破之師古曰淄縣名也後為考城說讀曰悅身得說都尉二

人司馬候十二人降吏卒四千六百八十人破楚軍滎陽東食邑四千二百戶別之河內擊趙賁軍朝歌

破之所將卒得騎將二人車馬二百五十四匹從攻安陽以東至棘蒲下十縣別攻破趙軍得其將司馬二

人候四人降吏卒二千四百人從降下邯鄲別下平陽身斬守相所將卒斬兵守郡一人李奇曰或以為郡守也字反耳

晉灼曰將兵郡守也師古曰常言兵郡守一人也

降鄴從攻朝歌邯鄲又別擊破趙軍降邯鄲郡六縣還軍敖倉破項籍軍成皐

南擊絕楚饗道起滎陽至襄邑破項冠魯下略地東至鄆鄆下邳南至蘄竹邑擊項悍潁陽下還擊項籍

軍陳下破之別定江陵降桂國大司馬以下八人身得江陵王致雒陽

師古曰江陵王謂共敖之子共尉也得而送致於雒陽

因定

南郡從至陳取楚王信剖符世勿絕定食四千六百戶爲信武侯以騎都尉從擊代攻韓信平城下還

軍東垣有功遷爲車騎將軍并將梁趙齊燕楚車騎別擊陳豨丞相敞破之

師古曰侯敞

因降曲逆從擊黥布

有功益封定食邑五千三百戶凡斬首九十級虜百四十二人別破軍十四降城五十九定郡國各一縣

二十三得王柱國各一人二千石以下至五百石三十九人高后五年薨諡曰肅侯子亭嗣有罪國除

周繆沛人也

師古曰繆音息列反

以舍人從高祖起沛至霸上西入蜀漢還定三秦常爲參乘賜食邑池陽

師古曰卽馮翊

池陽縣

從東擊項羽滎陽絕甬道從出度平陰遇韓信軍襄國戰有利不利終亡離上心上以繆爲信武侯

師古曰以其忠信故加此號

食邑三千三百戶上欲自擊陳豨繆泣曰始秦攻破天下未曾自行今上常自行是亡人

可使者乎上以爲愛我賜入殿門不趨十二年更封繆爲酈城侯

服虔曰音管酈之酈蘇林曰音簿催反晉灼曰功臣表酈長沙師古曰此字從

崩從邑音酈非也呂忱音陪而楚漢春秋作酈城侯陪音聲相近此其實也又音普肯反

孝文五年薨諡曰貞侯子昌嗣有罪國除景帝復封繆子應

爲酈侯

蘇林曰酈音多塞反屬沛國○宋祁曰沛國當作陳國

薨諡曰康侯子仲居嗣坐爲太常有罪國除

贊曰仲尼稱犂牛之子騂且角雖欲勿用山川其舍諸

師古曰論語載孔子為弟子仲弓發此言也犂雖色騂赤色也舍置也言牛色純而角美堪為犧牲

雖以其母犂色而欲不用山川寧當置之喻父雖不材不害子之美

言士不繫於世類也語曰雖有茲基不如逢時

張晏曰茲基鉏也言雖有田具值時乃獲信

矣樊噲夏侯嬰灌嬰之徒方其鼓刀僕御販繒之時

師古曰鼓刀謂屠狗

豈自知附驥之尾

師古曰蓋以蛟蜃為喻言託驥之尾則涉千里

勒功帝籍慶流子孫哉當孝文時天下以酈寄為賣友夫賣友者謂見利而忘義也若寄父為功臣而又

執劫

師古曰周勃等劫其父爾令寄行說

雖擢呂祿以安社稷存君親可也

前漢書卷四十一考證

樊噲傳從攻陽城○

臣召南

按陽城史記作城陽以上下文推之城陽地既太遠陽城亦尙懸隔胡三省

謂應作成陽是也二史皆傳寫誤耳

項羽既饗軍士中酒注不醉不醒故謂之中○顧炎武曰中酒謂酒半也呂氏春秋謂之中飲凡事之半

曰中中酒猶今人言半席相如傳酒中樂酣師古曰酒中飲酒中之半也一人注書前後不同

獨騎馬噲等四人步從○

臣召南

按四人噲與靳彊夏侯嬰紀成也見高紀

從擊秦車騎壤東注師古曰地名也○

臣召南

按曹參傳曰取壤鄉擊三秦軍壤東然則壤是鄉名壤東

壤鄉之東也

酈商傳高陽人也○

臣召南

按商卽食其弟食其傳曰陳留高陽人是也高陽乃陳留縣之鄉聚名此文

似脫陳留二字

別定北地郡○

臣召南

按史記作定北地上郡則二郡也此文似脫上字又史記作破雍將軍烏氏周類

軍栒邑蘇阻軍于泥陽蓋烏氏守將佚其姓名而栒邑泥陽守將姓名具存也此傳質言但云破章邯別將于烏氏栒邑泥陽耳